

**Zeitschrift:** Igl Ischi : organ della Romania (Societat de Students Romontschs)

**Herausgeber:** Romania (Societat de Students Romontschs)

**Band:** 65 (1980)

**Heft:** 15

**Vorwort:** Remarcas redacziunalas

#### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

#### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

#### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 30.07.2025

**ETH-Bibliothek Zürich, E-Periodica, <https://www.e-periodica.ch>**

## Remarcas redacziunalas

notizias da Martina

La part belletristica da quei Ischi semestril entschevein nus cun zacontas poesis da *Martina*. Sch'igl autur ha dau il tetel «Sin viadi» a quellas poesia, vul el bein definir il cuntegn, denton era indicar ch'el sez seigi sin via, ch'el sequenti aunc buca denter ils arrivai. Perquei vul el pil mument aunc restar e luvrar ell'anonimitad. *Hendri Spescha* perencunter presenta a nus en siu raquen «Quei di ei miu bab daventaus sogns» ina reminiscenza precisa ord siu temps d'affonza a Trun, nua ch'in prisol – sco el di – veva caschunau ad el tontas pitgiras. Era oz ha la praula mantenu sia impurtonza pil svilup digl affon. Quei patratg ha intimau *Augustin Manetsch*, Mustér, da scriver sez ina praula ni fabla cul tetel «Il tgaun e la glimiglia». Egl Ischi semestril nr. 14 ha *Ursicin G.G. Derungs* publicau in text cul tetel «Expedizion al Pol nord». Quella skizza ha dau in bienton da tschintschar, ella ha era menau a supposiziuns ed interpretaziuns fallidas. Pregiudezis impedeschau savens la capientscha. Perquei lai igl autur suandar cheu zacons elements d'interpretaziun. Lic. oec. *Paul Decurtins*, Cumpadials/Domat, ha intercuretg la situaziun dil romontsch e dils Romontschs enteifer il militer. En siu artechel presenta el ils resultats da sias retschercas e fa era propostas per ina migliur dalla situaziun ch'ei buca cuntenteivla. En fuorma da raquintaziun lai sora *Florentina Camartin* reviver veta ed ovra da Sogn Benedetg, il fundatur digl uorden benedictin. La redactura dalla sparta «Religiun» vul empau alla gada dilucidar da fundament ils pli impurtonts problems en connex cun la religiun. L'entschatta fa P. *Baseli Drack*, Mustér, cun siu tractat pertuccont la damonda «Religiun – pertgei insumma?». Il plaid «irredentissem» regorda nus Romontschs immediat a certas stentas che l'Italia ni gruppas da Taliens han fatg a siu temps per degradar il romontsch ad in dialect talian e sco consequenza finala per annectar nies territori. Sur da quellas relaziuns dil Grischun cun l'Italia informescha lic. fil. *Heidi Derungs-Brücker*, Cuera, en ina lavour pli liunga. Sur *Felici Maissen*, Cumbel, sefatschenta puspei ina gada cun las detgas e praulas. Sia contribuziun ei dedicada als «Animals ella detga e praula retica». Sco adina ha *Norbert Berther* rimnau ils pli impurtonts fatgs per la cronica e cumpilau la gliesta da publicaziuns sursilvanas.

Fin da redacziun pil proxim numer ei la fin schaner.

